

光緒丁丑年編

婁縣續志

婁縣續志沈序

光緒三年婁縣重修邑志成縣令程君其珏舉其畧以請曰婁志舊出陸耳山體例謹嚴採取賅備今志因之者多其較前志加詳者曰賦稅曰節義曰學校盍叙其義以示來茲余惟前明吳賦之重甲天下婁其一也我朝休養生息一再議減而未已固各大吏宣上德達下情然非

國家深仁厚澤烏可望也粵匪事起婁被蹂躪其時抗賊而死者雖婦人孺子咸致命遂志相戒以草間偷活爲恥蓋

德意之涵濡久矣饑食渴飲習而忘之一旦猝被兵革

婁縣續志

沈序一

乃知吾祖若父以養以誨以長我子孫者悉出

高厚覆幬之賜忠義之氣有勃勃不可遏抑者矣抑又聞之士習與民風相表裏者也書院卽鄉學遺意儲才寬則收效遠今日之士皆異日之臨民者也諸生以時絃誦揖讓其中必知

朝廷之待士者實別異於凡庶而因深思夫

君上興養立教之意學古入官克自樹立無爲邑中婦孺羞俾後之秉筆者有所取以潤色是篇庶乎得之矣光緒戊寅夏五督江使者侯官沈葆楨謹敘



婁縣續志叙

順治十三年析置婁縣婁與華亭同爲附郭邑而郡城以內之地婁不及三之一雍正閒析晏所屬一鄉及三鄉之半立金山縣令因之歷久未有專志至乾隆五十三年知縣謝庭薰創纂

婁縣續志

吳敘一

志書延陸百山先生任其事頗稱完善嗣是無續之者百餘年來制度典章不無沿革中經兵燹徵信爲難今牧令程君其珏承脩邑志董勸紳士纂輯採訪不遺餘力書請序於余取閱

之乾隆以前大率因沈志之舊  
以後於賦役一門大加詳爲松  
郡田賦繁重疊次減／原委悉  
備粵寇之亂致命遂志者未易  
雯僕數茲亦一一載人於

聖朝深仁厚澤維持風化之意

不無小補云

光緒五年歲次己卯二月撫吳  
使者吳元炳謹序

婁縣續志勒序

婁縣以順治十三年始割華亭分建婁之有志實始於乾隆五十三年時知縣事者爲謝公庭薰延請任秉筆事者耳山陸先生也先生故宿儒淵雅博懿長於史才疆域不載星野人物不分門目義例極明簡洵善本也自分建後百三十有餘年而志始作自作志後迄今又將百年矣而志始修顧前此百三十餘年間海宇承平重熙累洽士安絃誦民忘耕鑿故閱時雖久而故家遺俗猶有存者蒐採或易爲力近百年來中經兵燹東南糜爛民獻凋謝典章零落修志之舉有難於作志十倍者光緒紀元師武臣力簫勺羣慝寇孽就殄我

婁縣續志

勒序一

皇承緒寰區又安歲乙亥江蘇巡撫吳公有續修通志之舉檄下郡縣各事採輯蓋深慮兵燹之後人文散佚失此不修將愈久而愈莫可考也越三年丁丑婁縣志告成而請序於方錡方錡不敏何足以辱斯請第念志書之作也其爲民生

國計所關者莫重於田賦其爲世道人心所繫者莫先於節義其爲風化之所轉移人材之所培養者莫大於文教若夫山川之險夷疆里之大小物產之盛衰旣非月異而歲不同固無事更張爲也是書也於舊志之可仍者一切因而不改獨於田賦之蠲減則備載原委節義之奮發則不遺寒微文教之振興則嚴立課程捐給

膏火一一具著於篇俾夫後之來守斯土者懍然知民生

國計之所關世道人心之所繫風化之所由轉移人材之所由培養胥於是乎在而於治道思過半焉是又修志者之初心而

方錡

尤不能無厚望也已

光緒五年二月江蘇承宣使者勒芳錡序

婁縣續志

勒序二

婁縣續志劉序

几兩邑共城而治者大抵皆昔合今分雖疆域華離而風土人情要無大異志之者但各紀掌故而已然其書優劣相去往往不可以道里計余獨於華婁二志歎觀美焉往歲春余奉

命攝篆海關備兵蘇松太時各郡縣均有修志之舉而松屬先次第成書來索余叙余次第應之稍後乃及華婁婁之爲縣最古唐析崑山嘉興海鹽置華亭縣崑卽古婁境也

國初復析華亭置婁縣其所得故婁地轉不及十一然則今之婁實與華爲一家但旣自立縣卽宜自有志余

婁縣續志

劉序一

爲華亭尹楊君開第志序極歎舊時王志編纂以土斷深得志法而新志雖多所增訂亦能實事求是無損前入之美而相得益彰及觀婁尹程君其珏志畧乃又歎前後相因彼此相倣分出之則各著其長合校之則並臻於美有如是夫婁舊志創作於乾隆五十三年出陸耳山廷尉手今所稱謝志者也廷尉海上宿儒故其爲書討論淵博體例精嚴如不傳會星野不泛收藝文以婁析自華紀載易混一切覈其確繫今之婁者而後書人物自藝術流寓列女方外外不强分門但以時代次列傳尤合史家義法程君悉因而續之惟田賦節義學校視舊志爲尤詳亦以事增而文不得故省與華亭新

志同余因比而論之方廷尉之爲婁志也華亭志久廢缺後三年而王志成所謂以土斷者實發於廷尉王特因之又加嚴焉而楊君復取其列傳之法以稍變王志之例是華亭新舊二志之美未嘗不兼倣婁志也而王氏舊以水利海塘田賦繫

國計民生之重論載不厭其繁故新志亦踵增之今程君之志田賦無異華亭婁故無海塘乃更加意於節義學校蓋所以維風教培人才雖非婁所獨有然兵燹以來忠烈之見於婁者較多闡揚不可不至而分俸課士宏獎風流尤君所勲勲懇懇以期後人之承而不廢者是前後相因之際固非必有意於倣華志而各著其長

婁縣續志

劉序二

並臻於美實不相謀而適相成也嗚呼志也者爲治之譜也豈直文字哉然余觀自來志家動輒以後詆前而同時相則倣者尤不可得彼固謂非苛摘人短無以自表暴也嗚呼其於文字如此卽其爲治已可概見今程君由舊史氏出爲邑大夫肫然以興養承教爲先務及其爲志也又欲然不以史才自多而惟善之從如此則其與楊君共城而治必能相規相勉以底於德化之成可拭目俟也書曰同寅協恭和衷哉余於程君之志覘之因書其意爲序且以諗他守令之方有事於志者光緒四年戊寅正月布政使銜署理蘇松太兵備道海關監督貴池劉瑞芬序



續修婁縣志趙敘

賦稅者國用之所由出也節義者人紀之所由立也學校者士品之所由植也賦稅不詳則猾吏無以懲其奸節義不尊則編氓無以興其感學校不重則寒畯無以受其惠之三者皆一邑最要之政而修邑乘者所萬萬不可稍畧者也茲於婁縣續修志得之婁縣本華亭地國朝順治十三年始析爲縣乾隆間知縣事謝公勅縣志之舉今將百年而重修之余方自京口移守來此婁邑令宜黃程君以志稿示余且請序余受而讀之亟爲稱善蓋斯志於賦稅節義學校特爲加意較舊志詳而又詳焉蘇松賦重他郡自明已然邇來疊次酌減著爲

婁縣續志

趙敘一

成例然吏胥往往緣以爲奸實惠未必在民斯志於婁賦舊者如干新者如干一一載入不憚其繁而後吏胥不得而重輕其間矣粵寇之難邑之以身殉者甚衆斯志旁摭博采悉著於篇此不獨忠臣義士節婦烈女之貞魂毅魄永賴以慰而風教之維持實繫乎此矣邑之有書院也與學校相表裏者也程君於月課小課外設署中會課以試肄業生又設登瀛會課以專試孝廉斯志備載之俾後之宰斯邑者踵而行之則所以嘉惠士林者歷久不懈而士氣奮興交勉於砥言礪行以相與有成且不獨科名之接踵矣舊志成於陸耳山先生之手先生以宿儒秉筆攷掌故正體例至精至嚴故人物

不分門目疆域不分星野其識有過人者茲志之成程君延吾師張椒巖先生裁定之其鄭重于賦稅節義學校三大端則尤提綱挈領而所見能舉其大卽質之耳山先生當亦引爲同心也余因程君之請重以吾師之命乃不辭而爲之序

光緒戊寅四月署松江府事江蘇鎮江府知府鄞縣趙

佑宸謹敘

婁縣續志

趙敘二

臨乙亥夏大吏方檄修邑志  
而蒞與華為松江附郭邑  
宣首先舉辨正以為各邑倡  
自維翦陋雖游學京師十  
年曾不得以科名顯筆墨

之事弥自德也就阮承乏斯  
土其何敢拳頤以地輿之遼  
濶興運之推遷與夫學校綱  
常之輿度而兵燹以後里徵  
文攷獻而無存者蓋邑志之

失脩久矣乃於公餘之暇  
得訪竹樹棠岩張君與之上  
下其議論因書其事成承明  
留心學古與纂修於史館者有  
年爰亟延訂而以其從子丙壽

庶常與貢士蘭圃杜君諸人據  
前志而續輯之嗣是而余以因  
公言成進爰於鄉不復與聞聞  
己卯夏竹樹謂余為知事之  
人以完稿郵示而問序於余

於展閱之下見其書凡二十卷  
首

宏指以爲宗體審終流之原方  
外以博採人文其間多志与表傳  
諸篇莫不注史筆之謹嚴備方

樂之記載如房察於商而水利崇  
支源流紀月編年而祥異皆詳  
攷禮以玉學士大夫之著作則類  
聚而門分忠魂毅魄之披羅亦  
闡函而微顯麟、炳、蔚然成

夢非如事者之幸而亦何必如  
事者之幸也 因舉其大畧而  
記之

光緒五年歲次己卯前知黃州  
事蕭山汪坤厚書

重脩婁縣志敘

婁為縣古矣肇自秦迄漢晉宋齊未改也蕭梁後遂度屬他邑至我

朝順治十三年仍立縣復舊名其時聊且粗畧未遑脩志乾隆丙午前宰謝公始創脩之延請陸耳山先生任其事陸公本宿儒討論淵博體例精嚴書成頗稱完善嗣是無續之者百年来賦役

婁縣續志

程敘一

繁簡典禮之慶興人村之盛衰攷諸文獻已無徵矣 中丞吳公慨然有續脩江南通志之志久命各屬纂輯邑乘彙省局採擇余視事恃婁志當未告竣公餘之暇 / 与邑之名宿商酌而考訂之閱數目蕪事為書凡二十卷余維志之脩也創者難因者亦匪易前志滙千百

年掌故僅勒書三十卷簡矣就班史較史記多三十餘萬字非冗也事增而文不得不增也是志之續年久例繁聲名文物敘次加詳矣而一邑之所關係當不盡此我

國家恩澤洋溢有加無已婁之田賦疊經減裁兵燹海以節義著者疊荷旌恤而於學校人村培植更厚歷

宰體

朝廷德意疊創課甚之法余亦有小課會課二舉三者政治之大者也故尤加意焉夫邑之有志甯堆是摺摭補綴誇多鬥靡云尔哉民生國計之大人文風代之原將于是乎徵之是志之簡不吝武功其繁也較之寶慶未識以為何如然亦足



備輶軒之采擇資長民者之考  
鏡孟夏月余移任嘉完適劄 / 已  
畢因舉大要弁諸簡端浚之覽  
者知一方之政事其所重者在此  
相与休養生息鼓舞振興仰贊  
聖天子治化之盛豈不懿与  
賜進士出身翰林院庶吉士署江蘇  
松江府婁縣事嘉完縣知縣豫章

婁縣續志

程敘三

程其珏撰并書

婁縣續志凡例十則

一續志之作踵乾隆五十二年謝志而作也其纂輯皆近今百年事其體例悉依前志經前志編入者不贅間有所遺量爲補纂

一前志卷首恭紀

巡典恭錄

宸章所以誌

榮幸也其在乾隆五十年前

翠華時臨

宸翰蕃錫前志或有所遺謹爲補載若夫百年之中鸞輿簡出而

婁縣續志

凡例

龍章稠疊光耀閭閻用併恭錄冠諸簡端

一前志紀載沿革至今並無改裁食貨亦仍舊時未有增損故并不載

一水道幹河猶是舊日惟潮汐往來頂衝積淤支港因滋弊病故特縷析通塞重爲績圖俾講求水利者資考鏡焉

一民賦於兵燹後仰蒙

恩旨遞減科則萬年樂利民何能忘故記載加詳焉

一前志有軍政而兵事無多道咸年間疊夷會匪迭起同治初粵匪再陷城邑其間用兵戰守之畧與民間殉難之多不可遺也用特另編一卷

一

封贈前志列選舉表下今則援例繁多卷帙有限爰將實在出仕者載之餘畧焉

一傳列女體例悉仍其舊其被兵殉難者列兵事中以示區別

一前人題詠碑碣不能全錄應入藝文志者前志依四庫全書目錄之例祇載書名今仍其例於各門本條之下附見其著作



婁縣續志纂輯銜名

督修

江蘇候補知府

龔壽圖

監修

三品銜松江府知府

楊永杰

賜進士出身翰林院編修

前山東學政鎮江府知府署松江府知府

趙佑宸

承修

同知銜婁縣知縣

汪坤厚

賜進士出身翰林院度吉士同知銜署婁縣知縣

程其珩

纂修

賜進士出身翰林院編修按察使銜山東補用道 張雲望

婁縣續志

銜名

賜進士出身翰林院度吉士工部屯田司主事

張初杰

辛未科貢士

杜錫熊

分纂

丁卯科補行辛酉科舉人

周桓

己酉科拔貢桃源縣學教諭

馮晉昌

癸酉科拔貢試用教諭

章耒

采訪

丁丑科貢士

夏銜

己未科補行乙卯科舉人

張汝梅

庚午科補行壬戌科舉人

奚文彬

廩貢生

沈銛

原名際昌

廩膳生 員秦鴻翔

增廣生 員姜克誠

生 員陳宗溥

生 員駱文華

收掌

山東試用巡檢錢柄燾

繪圖


廩貢 生沈鈺 原名際昌

婁縣續志



銜名


一一






婁邑全鏡水道圖


道水境南界





粵西北水道





奥東北水道

婁縣續志目錄

卷一

宸翰志

卷二

建置志

卷三

疆域志

卷四

水利志

卷五

水利志

婁縣續志

目錄

卷六

民賦志

卷七

學校志

卷八

軍政志

卷九

祠祀志

卷十

藝文志

卷十一

名蹟志

卷十二

祥異志

卷十三

兵事志

卷十四

官師表

卷十五

選舉表

卷十六

人物傳

婁縣續志

目錄

二

卷十七

人物傳

卷十八

藝術傳

卷十九

列女傳

卷二十

流寓傳

方外傳

婁縣續志卷一

宸翰志

聖祖仁皇帝宸翰

御書清風蘭雪四字

康熙三十八年 月 日

賜翰林院庶吉士<sub>臣</sub> 沈宗敬

御書唐詩一幅

秋來鳧雁下芳塘繫馬朝臺步夕陽松徑繞山楓  
葉暗柴門流水稻花香雲連海氣琴書潤風帶潮  
聲枕簟涼西去磻溪猶萬里可能垂白待文王

又

婁縣續志

卷一

宸翰

御書五言詩扇一柄

鳧嶼堪圖畫溪橋宛自成池邊樹影接峯外月華生鳥  
類巢檐下麀羣伏地平無知知德化推廣至民情

又

御書七言詩扇一柄

晝夜徬徨利祿間奚如鄙里野人間詩書不解窮通事  
名姓無聞仕宦班孔顏樂處簞瓢在孝弟真情稚子關  
可笑文章無實據莫求典故紆青綸

又

御書七言絕句詩扇一柄

梵寺鍾聲渡遠灘半輪明月落前山徐徐撥櫂卻歸去

浪疊朝霞碎錦翻

康熙 年 月 日

賜翰林院庶吉士臣 沈宗敬

御書承訓堂扁

康熙四十二年 月 日

賜翰林院庶吉士臣 沈宗敬

御書汲古得修綆流謙乃素襟對聯

康熙四十三年 月 日

賜翰林院庶吉士臣 楊瑄

御書抱質堂扁

康熙四十年 月 日

婁縣續志

卷一

宸翰

二

賜翰林院侍講臣 楊瑄

御書煙嵐高曠四字

康熙四十七年 月 日

賜翰林院庶吉士臣 沈宗敬

世宗憲皇帝宸翰

御書效忠闡法四字

雍正 年 月 日

賜通議大夫妙正真人臣 婁近垣

高宗純皇帝宸翰

御書鄂壘扎拉圖之戰

以誠馭詐致相輕

阿逆 計緩 師將 軍達 爾黨 阿不 審虛 實按

兵待獻遂失事會而厄魯特宰桑之從  
征者既心輕將帥所為復同謀作亂焉  
哈薩纔迴譎變  
生戊巳駐營攜少卒時兆惠為副將軍駐兵濟爾哈朗  
已猝值敗賊益集因螳螂怒臂阻前程直何長曲中宵  
以少擊衆全軍而出  
出一可當千衆賊驚竟得全師逢接騎整軍復入大功  
成

乾隆三十一年

賜內廷行走歲貢生臣沈映暉

御書花氣浮瑤席雲光映綺疏對聯

又

御書諸方普被慈雲蔭萬象同歸法境圓對聯

又

婁縣續志

卷一

宸翰

三

御題唐寅雪巖錦樹圖

千巖飛雪正攢團錦樹仍餘翠與丹裘笠騎人自尋勝  
奚奴可識不勝寒

又

御題趙原山水圖

卜築碩人軸棲遲高士情泉飛深澗白雲去遠山明松  
竹真瀟灑夷齊可弟兄不稱堪傲世傲世豈非名

乾隆四十六年

賜內廷行走歲貢生臣沈映暉

御書繪林薈美四字以上前志所遺恭錄補入

乾隆五十四年

賜內廷行走歲貢生臣 沈映暉

御製詩

書中畫復畫中書邱壑翻為壽字如試問千秋藝林者  
獨開生面孰同諸

謹按乾隆六十年國學生臣 畢大椿恭遇

萬壽進呈長幅山水

御書此詩於其上蒙

賚端硯一方

文宗顯皇帝宸翰

御門聽政述志示在廷諸臣辛亥孟秋御筆

大廷循典觀公卿

婁縣續志

卷一

宸翰

四

考訓親承戒滿盈慎厥修身四時懍審於出治一心明

屏私圖已兼援友盡敬愛君必澤氓宵旰勵精期共勉

閉邪陳善竭丹誠朕自幼即渥蒙

泰持盈為勛言猶在耳敢不銘心是 皇考誨育深恩

抑畏審于出治以正朝廷爾諸臣亦當知為臣不易思

力贊襄屏圖已援友之私庶公溥務愛君澤氓之實

於御門聽政援筆成吟爾諸臣其

咸豐元年九月二十二日

賜陝西巡撫臣 張祥河

御書誼篤宗支扁

咸豐八年四月 日

賜吏部右侍郎臣 張祥河